

Γιά τήν λαογραφική έκπομπή τοῦ Συλλόγου "Φάρος Ποντίων" ἀπό

Ε.Ι.Ρ. 37

13-6-1970

1ον.- Γιά τὴν Γουλάτ - Αε-Σέρ

Εσύ ἔλα ἀσὸ Γουλάτ' κι' ἐγὼ ἔρχομαι ἀσὸ Σέλι  
ἔρχομες κι' ἀντάμωμε ἀφιά σὸν Αε-Σέρ

Εξέβα αὐτὸ Γουλάτ' ἀπὸν, ἔβα πούλι λαλίαν  
ἔθ' ἀρρεσα τ' ἀρνὸ πο μ' ἔν' κι' ἐχάρεν ἡ καρδιά μ'  
Λελεύω σε λελεύω σε Αε-Σερῇ πούλοπον  
τὰ δύο χέρια μ' ἔλυσαν τ' ἐγάπε τὸ σπαλερόπον

2ον.- Σταυρίν

Ἀφιατωχὸρ', Ἀπαναχὸρ', σὴ μέσεν Μονοβάντων  
ἀσ' ὅλεν ἔμορφον ἔτον καί τ' Ἀλεξοπουλάντων

Εσύ ἔπαρ τὰ πρόατα κι' ἐγὼ ἄς παίρω τ' ἀρνία  
ἐβγαίνομε σὰ Πάρματα σὴ Σταυρί τὰ ραχία

Ἀνάθεμα καί τὸ Σταυρίν τ' ἀπὸν τὸ παρχαρόπον  
κι' ἐφέκεμε νὰ χαίρουμαι μικρόν παλληναρόπον

3ον.- Κλωστοί

Ἐμὲν λέγνε Νινδλ-Ὀγλη καί τ' ὄνομα μ' ἔν' Γιάννε  
καλλίον ἄς ἐπεθάνα, ἐσὲν νὰ μ' εἶχα εἰδιάναι

Ἐμινέ ἔλα σὸ παραθύρ' ἐσέναν κατ' θά λέγω  
τ' Αε-Σωτήρας τῇ βραδύν θά παίρω σε καί φεύω

Τεμέλ' γιὰ φόρ' καί τ' ἄρματα σ' καί δέσον τῇ κουκούλα σ'  
καί τῇ Φίλης τὸ κρῖμαν ὀφίδ' νὰ ἔν' σὴ γούλα σ'

4ον.- Ἡ ζουπούνα τς ἐν λογάδια

Λέω νὰ παρχαρεύν' ἄτεν νὰ φτάγν' ἄτεν ρωμάνα  
νὰ παίρν' ἄτεν νὰ κρύφουνταν ἀνεῖ σ' ἄγρια τ' ὀρμάνια

Πότε θά ἔρτ' ἡ ἀνοιξη πότε τὸ καλοκαίρι  
νὰ πᾶμε παρχαρεύνομες ἀπὸν σὸν Αε-Σέρῇ  
Γουρπάνι σ' παρχαρῇ νερόν, Αε-Σερῇ χονόπον  
νὰ θέλτε γίνεσαι γιατρικὸν καί σ' ἐμόν τὸ τερτόπον

Ρεφραίν

Ἡ ζουπούνα τς ἐν λογάδια  
φέρ' νερόν καί πλίν' ἄτο  
ἀσ' ὅλα τὰ πεγάδια, ἀσ' ὅλα τὰ πεγάδια

5ον.- Ξενιτεία

Τσὸλ' νὰ ἔνεται τὸ Γουλάτ τ' ἔρημον τὸ Σταυρίνι  
καί πῶς θ' ἀποχωρίουμε ἀσὸ μικρόν τ' ἀρνίμι

Σὴν ξενιτειάν ἀχπάσκουμαι κανάν τιδέν' κι' λέγω  
σὸν πιδιαβαίνω τὸ Γουλάτ' κάθουμαι κα' καί κλαίω

Ἐξέβα ἀπὸν καί σὸ Γουλάτ ἐφάνθεν ἡ Πιδέβα  
καί γιὰ τ' ἐμᾶς τοῖ ξενιτειάντες πῶς ἔρθεν ἡ Δευτέρα

6ον.- Κερειή μ'

